



ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԿՐԹՈՒԹՅԱՆ, ԳԻՏՈՒԹՅԱՆ, ՄՇԱԿՈՒՅԹԻ
ԵՎ ՍՊՈՐՏԻ ՆԱԽԱՐԱՐ
ՀՐԱՄԱՆ

N 991-Ա/2

24.05.2022թ.

**ՄԻՋԱԶԳԱՅԻՆ ՀԱՄԱԺՈՂՈՎ «ՀԻՇՈՂՈՒԹՅԱՆ ԿԵՐԱՐԱՆՔՆԵՐ. ԶԵՌԱԳԻՐ
ԵՎ ՏՊԱԳԻՐ ԳՐԱՎՈՐ ԺԱՌԱՆԳՈՒԹՅԱՆ ՊԱՀՊԱՆՄԱՆ ՈՒ ՎԵՐԱԿԱՆԳՆՄԱՆ
ՆՈՐԱԳՈՒՅՆ ՏԵԽՆՈԼՈԳԻԱՆԵՐԸ» ՆԱԽԱԳԾԻ ԿԱԶՄԱԿԵՐՊՄԱՆ ԾՐԱԳԻՐԸ
ՀԱՍՏԱՏԵԼՈՒ ԵՎ ԳՈՒՄԱՐ ՀԱՏԿԱՑՆԵԼՈՒ ՄԱՍԻՆ**

Ղեկավարվելով «Հայաստանի Հանրապետության 2022 թվականի պետական բյուջեի մասին» օրենքով և Հայաստանի Հանրապետության վարչապետի 2019 թվականի հունիսի 1-ի N 661-Լ որոշման հավելվածի 19-րդ կետի 20-րդ ենթակետով՝ XI միջազգային համաժողով «Հիշողության կերպարանքներ. ձեռագիր և տպագիր գրավոր ժառանգության պահպանման ու վերականգնման նորագույն տեխնոլոգիաները» նախագծի իրականացման նպատակով՝

Հ Ր Ա Մ Ա Յ ՈՒ Մ Ե Մ՝

1. Հաստատել XI միջազգային համաժողով «Հիշողության կերպարանքներ. ձեռագիր և տպագիր գրավոր ժառանգության պահպանման ու վերականգնման նորագույն տեխնոլոգիաները» նախագծի իրականացման ծրագիրը՝ համաձայն հավելվածի:

2. «Հայաստանի Հանրապետության 2022 թվականի պետական բյուջեի մասին» օրենքի N 1 հավելվածի N 2 աղյուսակի «1168 Արվեստների ծրագրի» «11005 Մշակութային միջոցառումների իրականացում» միջոցառման համար Հայաստանի Հանրապետության կրթության, գիտության, մշակույթի և սպորտի նախարարությանը (այսուհետ՝ նախարարություն) նախատեսված գումարներից (տող՝ XI միջազգային համաժողով «Հիշողության կերպարանքներ. ձեռագիր և տպագիր գրավոր ժառանգության

պահպանման ու վերականգնման նորագույն տեխնոլոգիաները») հատկացնել 3999.6 հազար (երեք միլիոն ինը հարյուր իննսունինը հազար վեց հարյուր) դրամ՝ XI միջազգային համաժողով «Հիշողության կերպարանքներ. ձեռագիր և տպագիր գրավոր ժառանգության պահպանման ու վերականգնման նորագույն տեխնոլոգիաները» նախագծի իրականացման ծախսերն ապահովելու համար:

3. Նախարարության ֆինանսաբյուջետային վարչության պետին՝ սույն հրամանն ուժի մեջ մտնելուց հետո 15-օրյա ժամկետում նախապատրաստել և նախարարության գլխավոր քարտուղարի ստորագրմանը ներկայացնել սույն հրամանի 2-րդ կետում նշված գումարը «Ազգային ստեղծարար միավորում» հասարակական կազմակերպությանը հատկացնելու մասին պայմանագիր (այսուհետ՝ պայմանագիր):

4. Նախարարության արտաքին կապերի և սփյուռքի վարչության պետին՝ Հայաստանի Հանրապետության կրթության, գիտության, մշակույթի և սպորտի նախարարի 2020 թվականի մարտի 16-ի թիվ 343-Ա/2 հրամանին և կնքվող պայմանագրին համապատասխան իրականացնել պայմանագրով նախատեսված աշխատանքների կատարման նկատմամբ հսկողություն, բովանդակային հաշվետվությունների ընդունման գործառույթներ:

5. Սույն հրամանի կատարման հսկողությունը վերապահել Հայաստանի Հանրապետության կրթության, գիտության, մշակույթի և սպորտի նախարարի տեղակալ Ա. Խզմալյանին:

X

ՀԱՐԳԱՆՔՈՎ՝
/պարտականությունները կատարող/

ԱՐԱՅԻԿ ԽԶՄԱԼՅԱՆ

Հավելված

ՀՀ կրթության, գիտության,
մշակույթի և սպորտի նախարարի
« » « » 2022 թ.
N հրամանի

ԾՐԱԳԻՐ

**XI ՄԻՋԱԶԳԱՅԻՆ ՀԱՄԱԺՈՂՈՎ «ՀԻՇՈՂՈՒԹՅԱՆ ԿԵՐՊԱՐԱՆՔՆԵՐ.
ՁԵՌԱԳԻՐ ԵՎ ՏՊԱԳԻՐ ԳՐԱՎՈՐ ԺԱՌԱՆԳՈՒԹՅԱՆ ՊԱՀՊԱՆՄԱՆ ՈՒ
ՎԵՐԱԿԱՆԳՆՄԱՆ ՆՈՐԱԳՈՒՅՆ ՏԵԽՆՈԼՈԳԻԱՆԵՐԸ» ՆԱԽԱԳԾԻ ԻՐԱԿԱՆԱՑՄԱՆ**

1. Կազմակերպության անվանումը

«Ազգային ստեղծարար միավորում» ՀԿ

2. Կազմակերպության գտնվելու վայրը

ք. Երևան, Սայաթ-Նովա 4

3. Ծրագիր

XI միջազգային համաժողով «Հիշողության կերպարանքներ. ձեռագիր և տպագիր գրավոր ժառանգության պահպանման ու վերականգնման նորագույն տեխնոլոգիաները» նախագծի իրականացում

3.1 Բովանդակությունը

Սեմինարն իր ձևաչափով բացառիկ հարթակ է, որ համախմբում է գրավոր ժառանգության պահպանման բոլոր ոլորտների ներկայացուցիչներին ԱՊՀ, եվրոպական երկրներից ու Վրաստանից: 10 տարիների ընթացքում մասնակցել են առաջատար շուրջ 80 արխիվային, թանգարանային ու գրադարանային հաստատություններ, վերականգնողական կենտրոններ: Սեմինարն ընդգրկում է թվայնացման, վերականգնման ու կոնսերվացման ոլորտները: Կազմված է շնորհանդեսներից, տեսական մասից ու գործնական աշխատանքներից, որոնք կազմակերպվում են Հայաստանի ազգային պատկերասրհի վերականգնման լաբորատորիաներում: Արդյունքում հրատարակվել է 2 գիտական ժողովածու, մասնակից պետություններում կազմակերպվել են հանդիպումներ սեմինարի արդյունքների վերաբերյալ, նկարահանվել են ֆիլմեր: Իրականացվել են նաև մշակութային ծրագրեր:

3.2 Նպատակը

Թանգարանների, արխիվների և գրադարանների վերականգնողների, երիտասարդ աշխատակիցների հմտությունների, որակավորման, ֆոնդապահների գործնական և տեսական գիտելիքների մակարդակի, ստեղծագործական մտածելակերպի և մասնագիտական ինքնորոշման բարձրացումը, ինչպես նաև՝ բարձր տեխնոլոգիաների կիրառման համաշխարհային փորձի նորարարություններին ծանոթանալը:

3.3 Անցկացման վայրը

Հայաստանի պետական ֆիլիարմոնիա

3.4 Անցկացման ժամկետները

3.5 Ակնկալվող արդյունքներ

- Հայաստանի՝ որպես գրավոր ժառանգության վերականգնման ու պահպանման ոլորտում փորձառու և առաջատար երկրի վարկանիշի ձևավորում
- Հայկական ձեռագրերի վերականգնմամբ զբաղվող օտարերկրյա մասնագետների վերապատրաստում, հայկական ձեռագրերի առանձնահատկությունների վերաբերյալ գիտելիքների փոխանցում
- Միջազգային փորձի յուրացում և մասնագիտական միասնական հարթակի ձևավորում
- Տեղեկատվական միասնական դաշտի ապահովում
- Նոր մասնագիտական կապերի հաստատում
- Երիտասրադ մասնագետների իմացությունների ու հմտությունների զարգացում
- Միջազգային գրավոր ժառանգության լիարժեք պահպանում

3.6 Ոչ ֆինանսական ցուցանիշներ

1 սեմինար, 50 մասնակից

3 վարպետության դաս, յուրաքանչյուր վարպետության դասին 10 մասնակից

40 գիտական զեկուցում